




Gratis
Distribution

SIRD & PR MIZORAM NEWSLETTER

Vol. XVI Issue No. 3 March, 2025 : Monthly SIRD & PR Newsletter, Mizoram : Aizawl



LAWRKHAWM

✦ Ni 10.3.2025 khan Science Technology & Innovation Hub, Mizoram leh Women & Child Development Department \angkawpin an buatsaih, **One Day Training for Anganwadi Workers on Health & Nutrition, Ayurveda & Digital Safety** chu RD Minister Prof. Lalnilawma chuan Synod Conference Centre, Aizawlah khuallian niin a hmanpui.

✦ Ni 27.2.2025 khan LAD chuan Hriattirna tichhuakin, Pi Sangkimi, Under Secretary, LAD chu Leave Application Management System (LAMS)-a Nodal Officer (LAD) atan ruat a ni.

✦ Ni 4.3.2025 khan LAD chuan Hriattirna tichhuakin, RTI Act, 2005 hnuaia LAD Directorate-a SPIO atan Pu Ngurthansanga, Deputy Director, LAD chu ruat a ni.

**Kangmei avanga
chhiatna kan tawh loh
nan mitin i fimkhur
ang u.**

RD Minister-in Thingsulthliah RD Block Kum 50 tlin lawmna hmanpui

Thingsulthliah RD Block-in kum 50 a tlin lawmna ni 25.3.2025 khan Thingsulthliah RD Block Office-ah neih a. He hun hi Rural Development Minister Prof Lalnilawma chuan Khuallian niin a hmanpui.



RD Minister chuan Thingsulthliah RD Block-in kum 50 hmel a hmu chu ropui a tih thu a sawi a. RD Department chu thingtlang mite tihhmasawnna leh chawikanna atana hnathawk sawrkar department a ni a. Chuvangin, RD Department-a thawkte chu an hawihhawm tur a ni a, mipui tan dawr an nuam bawk tur a ni a ti.

He hunah hian RD Minister chuan Thingtlang mite tan RD-in hna \ha taka a thawh chhunzawm zel theih nan mipui thlawpna leh thawhpuna pawh a pawimawh tih a sawi a. RD hnuaia hmalaknate a lo puitlin a, RD hnuaia hnathawhte a \hat leh zualna turin a thawktute fuihin mipuite phungbawmna a sawm nghal bawk a ni.

Thingsulthliah RD Block Golden Jubilee lawmna inkhawm hi

Pu Reuben Lahmangaihzuale, APO in a kaihrui a. He hunah hian Pi Malsawmhriatzuali, BDO Thingsulthliah inlawmna leh inhmelhriattirna hun, leh RD Dept. in Thingsulthliah RD Block huam chhunga an hmalakna report a pe a ni.

Thingsulthliah RD Block Golden Jubilee lawmnaah hian he Office-a BDO lo ni tawh te leh he office-a lo thawk tawh zawng zawng te sawm an nih mai bakah, Thingsulthliah RD Block huam chhunga VC leh NGO te pawh sawm an ni.

Thingsulthliah RD Block hi 04.01.1974 khan hawn a ni a. A tirah Community Development Block tih a ni a, kum 1984 khan RD Block tia thlak a ni.

(Phek 2-na-ah zawmna)

Editor-in-Chief: V Lalengmawia, Director
Editor: Lalthandama Lailung, Sr. Core Faculty (IT)
Jt. Editor : Malsawmdawngliana, IECM
Cir. Manager : Zothantluanga, IEC Facilitator

Editorial: 

Vantlang Inthiarna vawn fai

Mihringte hrisel taka kan awm theih nan chuan natna chi hrang hrang laka kan fihlim a ngai a, natna chi hrang hrang laka kan fihlim theih nana pawimawh ber pakhat chu Faina leh Thianghlimna hi a ni awm e.

Kan lo fai a, kan lo hrisel zawk theih nan te Vantlang Zun In leh Ek In te siam a ni \hin a. Heng vantlang inthiarna hmun te hi vantlang mipuiin \angkai taka kan hman theih nan kan siamna hmun hma a pawimawh hle. Mipui, a hman turte tan pawha hman \angkai theihna hmun tur kan thlan thiam a pawimawh hle a ni.

Vantlang inthiarna hmunte kan siam \hin a, kan siamna hmun azirin mipuite tan a \angkaiin, a \angkai lo thei a ni. Chutih rualin a enkawl fai leh thianghlimna kawngah erawh hmabak kan la ngah hle a ni.

Mipui/Vantlang inthiarna hmunte mipuite'n a neitu nihna rilru pu tura kan inzirtir nasat a ngai hle a. Chumi rual chuan Khawtlang hruaitute pawhin a enkawlzui leh a tihfai kawngah hma kan la zui ngai em le? Inthiarna hmun siam ringawt hi a tawk lova, zun leh ek thlahdahin natna a thlen \hin avang te in Inthiarna hmun kan siam a, kan enkawl fai leh chuan loh chuan natna inthlah punna hmun, rimchhia leh \awp takah changin, sum leh pai tam tak senga siam leh din kha hmantlak loh leh hluihlawn, bawlhhlawh paihna hmun emaw tih mai tur a ni thei dawn a ni.

Chuvangin, Khawtlang hruaitute leh mipuite hian Vantlang Inthiarna hmun vawnfai leh enkawl kawngah hian hmasawn turin \an la tlang ila, a enkawltu nih i tum \heuh ang u.

(phek 1-na ami chhunzawmna)

RD Minister-in Thingsulthliah RD Block kum 50 tlin lawmna hmanpui

He RD Block-ah hian BDO hmasa ber chu Pu Rualkhama, AEO niin, tun thlenga Thingsulthliah BDO awm tawh zat chu mi 33 an ni.

RD Minister Prof. Lalnilawma hi Pu V Lalengmawia Additional Secretary, RD, Pu K.Lalrohluia, Director, RD, Pu Lalnundika, Project Director, DRDO Aizawl leh RD Official-ten an \awiaawm a ni.

Lungsen Block-a HRDP hmalakna tur hawng

Lunglei District chhunga Lungsen RD Block huam chhunga HDFC Bank sum hmanga hmasawmna huapzo leh tluantling a awm theih nana hma lakna tur, Holistic Rural Development Project (HRDP) chu 25.3.2025 khan Lungsen-II YMA Hall-ah a hawmna hun hman a ni.



He hunah hian Lungsen BDO Pu Lalhruailiana Zote chuan Lungsen Block-a HRDP kalpui tura hmalak chhoh dan tarlangin, Lungsen RD Block chu aspirational block a nih anga hmasawmna huapzo leh tluantling a awm theih nana Lunglei District thuneitute'n sawrkar ruahmanna kal tlanga hna thawh tur baka pawn lam a'anga hma lakpuitu tur an dapnaah SACH New Delhi chuan Lungsen block chhunga khaw 10-ah thla 36 (kum 3) chung atan HRDP kalpui tura ruahmanna an siam thu leh sum senso tur chu HDFC Bank-in Corporate Social Responsibility (CSR) hnuaia an tum tur a nih thu a sawi a. HRDP hma lakna chu Lungsen block-in hma an sawnpui ngei a beisei thu a sawi bawk.

CHARGE INHLAN

SIRD&PR, Mizoram Director Pi Ethel Rothangpuii, MCS chu Joint Chief Electoral Officer, Election Department-ah sawn a ni a, thulehawm hma chu SIRD&PR, Mizoram Director hna hi Pu V Lalengmawia, MCS, Addl. Secretary, RD Department, Govt. of Mizoram chuan a hmui/kawp hrih dawn a ni. Ni 26.3.2025 khan charge an inhlam fel a ni.

CADC huamchhunga VC inthlan result

Chakma Autonomous District Council (CADC) huamchhunga Village Council (VC) ni 12.3.2025-a Inthlan neih zawh taka vote tlate chu tluang takin chhiar zawh a ni a. CADC chhungah hian Village Council 88 awmin, BJP-in VC la hnem berin VC 64-ah hnehna an chang a, ZPM-in dawtin VC 12-ah hnehna an chang a, MNF-in VC 8 la bawkin, Independent-in VC 2 an la a, chak zawk hriat lohna VC 2-a awm bawk a ni.

CADC chhungah VC seat - 516 (General - 428 leh Reserved- 88) a awm a. BJP in Seat 366 – General Seat 304 leh Reserved Seat 62 lain, seat an la hnem ber a. ZPM-in dawtin General Seat 67 leh Reserved Seat 14, a vaiin Seat 81 an la a. Pathumna MNF-in Seat 45 – General Seat 38 leh Reserved Seat 7 ah te hnehna an chang a, INC-in General seat -1 leh Reserve Seat - 1, a vaiin seat 2 lain, Independent Candidate in seat 22 – General 18 leh Reserved 4 ah te hnehna an chang ve bawk a ni.

CM-in Thlantlin hmeichhiate training hmanpui

Ni 21.3.2025 khan Mizoram State Legal Service Authority leh All Mizoram Women Elected Representative te \angkawp chuan I&PR auditorium-ah **“Capacity Building & Leadership Training for Elected Women Representatives”** an buatsaih a. A hawnna inkhawm hi Chief Minister Pu Lalduhoma chuan Khuallian niin a hmanpui.



A hawnna inkhawm hi Pi R. Zomuanpuii, President, All Mizoram Elected Women Representatives chuan kaihruiin, Pu Vincent Lalrokima, MJS, Member Secretary, Mizoram State Legal Service Authority pawhin thu a sawi bawk.

A hawnna inkhawm hi Pi Florence Vanlanrengpuii, General Secretary chuan lawmthu sawiin a khar a, chawhnu lamah thupui thlan chhuah pali hmangin dan zirhona an nei zui a ni.

Union Minister hovin inkawmhona nei

Union Minister of State, Pu Harsh Malhotra hoin 27.2.2025 khan DC Conference hall Saitualah, Saitual District office hotute, VC leh NGO hruaitute nen inkawmhona hun hman a ni a, he hun hi District Bawrsap Dr. Lalngura Tlau chuan a kaihrui.



He hunah hian Saitual District-a Deputy Commissioner Office, District Rural Development Office (DRDO), Public Works Department (PWD), Public Health Engineering (PHE) Department leh District Education Office (DEO) hotute chuan an department chungchang te, an hmalakna te leh central scheme an kalpui dante chu PowerPoint Presentation hmangin an sawifiah a. Village Council leh NGO hruaitute pawhin Union Minister Pu Harsh Malhotra hnenah an mamawh te an thlen a ni.

He hunah hian Pu Harsh Malhotra chuan thusawiin, Sawrkar laipui alanga Saitual District tlawh hmasa bertu a ni thei chu lawmawm a tih thu a sawi a, mipui tena \ha taka an lo dawnawnaah lawmthu a sawi nghal bawk a ni. Union Minister of State chuan sawrkar laipui hmalakna (Central Scheme) hrang hrang a bikin, Mahatma Gandhi National Rural Employment Guarantee Act (MGNREGA), Pradhan Mantri Awas Yojana (PMAY), Jal Jeevan Mission (JJM) leh Mid-day Meal te chu Saitual District-a \ha taka kalpui a ni chu lawmawm a tih thu a sawi a. Harsatna an tawh te ngaihthlakna hun \ha a nei thei chu lawmawm a tih thu sawiin, Pu Harsh Malhotra chuan kalkhawmte chu an mamawhte ziaka thlen turin a chah a, a theih anga hma laksak a tum thu a sawi bawk a ni.

PRIME MINISTER'S INSURANCES

- Malsawmtluanga Fanai,
Principal, ETC, Pukpui, Lunglei.

Insurance tia kan han sawi hian eng emaw harsatna lo thleng palh a awm huna, hlawkna kan hmuh let theihna tura sum tlem zawk hmanga scheme kan lo lei lawk kha a ni mai a, insurance hi chi hrang hrang a awm a, heng Life insurance (Nunna chan palh thulha, kan rokhawmtu ten sum an lo dawnna tur) te, Health insurance (Damloh nikhua-a inenkawlina tur) te, Accidental insurance (Chetsual palha, a tuamhlawm/ inenkawlina) te, motor vehicle insurance (Motor vanga tawhsual thlengpalh a senso \ul leh intuam hlawnna) te bakah in leh bungrua hrang hrang insure-na lam chi te an ni a, hun bituk chhung atan a insurance hi lei a ni \hin a, chu hunbi chhunga a \ul thut huna intuam hlawnna \angkai tak a ni.

Mi tam tak hian insurance \hatna leh a hlutna hi kan hre tawh lo fo \hin a, a hriate erawh chuan man to tak tak pawhin insurance-te hi an lei \hin a ni. Tun \umah erawh man to si lo, mipuite ham\hatna tur atana sorkarin a duan, man tlawn tak ni bawh si- insurance pahnih, \angkai tak tak kan tarlang dawn a ni.

1. PRADHAN MANTRI JEEVAN JYOTI BIMA YOJANA (PMJJBY): Prime Minister Jeevan Jyoti Insurance Scheme tih a ni bawh a, a tawi zawngin, a lawm tawi PMJJBY tih a ni a. Hei hi Life Insurance scheme a ni. Kum 2015 May ni 9 ah he insurance scheme hi hawn thar a ni a, India mipui tam zawkin insurance scheme an neih theih nana duan a ni. A zawmna man pawh a tlawn thei ang ber tura duan a ni. Life insurance a nih ang in he scheme leitu chu **engvang pawhin** a boral a nih chuan a rokhawmtu (Nominee) chuan cheng nuaih hnih (2 lakhs) a claim thei a ni.

He Life Insurance scheme zawm tura thil \ul leh he scheme kaihnnawih a thil hriat ngai \henkhatte chu hetiang hi a ni:

1) Scheme zawmtu chu India khua leh tui dik tak, Bank account nei a ni tur a ni.

2) Kum 18-50 inkar a ni tur a ni.

3) Nationalize bank (Sorkar pawmpui bank) khawiah pawh Bank Account a neihnaah a lei theih.

4) A scheme zawm/ leina man hi kum khat chhung atan Rs 436/- a ni a. (Tax hran chawi belh ngai a ni lo)

5) He insurance-in a huam chhung (Coverage period) hi kum khat a ni a, kumtin 1st June a\anga 31st May a ni. Kum laklawhah pawh, eng

lai pawhin he scheme hi lei/ zawm theih tho a ni.

6) Vawikhat lei tawh chuan kum tina lei thar tura buaipui a ngai lova, kha bank Account-ah khan pawisa (A leina daih) a awm chuan kumtin may ni 30 emaw aia tlai lovah amahin a lo in cut (Auto debit) \hin dawn a ni.

7) I bank leh I Addhaar card no. kha a in zawm (link) ngei tur (Mandatory) a ni, (hei hi a claimna lama buaina tawh lohna tur a ni)

8) Scheme zawm ni a\anga ni 45 chhunga thi-te tan (Accident vanga thi a nih loh chuan) a claim theih loh. Hei vang hian he scheme hi zawm vat a \ha ber a ni.

2. PRADHAN MANTRI SURAKSHA BHIMA YOJANA (PMSBY): Hei hi Accidental Insurance niin accident vanga thihna emaw rualbanlohna a thlenin claim theih a ni. Prime Minister's safety insurance scheme tih a ni bawh. He scheme zawm tu chu Accident vanga thihna emaw leh Full Disability (Mit pahnih del emaw kut pahnih emaw ke pahnih hmantheih lohna) emaw a lo tuar palh a nih chuan a inenkawlina man tur emaw a lo boral palh hlauh a nih emaw chuan a rokhawmtu (Nominee) chuan Cheng nuai hnih thleng a claim thei a ni. A chung a Life insurance kan sawi tak PMJJBY nen khian a ruala ni 9th May 2015 a din/ hawn a ni.

He Accidental Insurance scheme zawm tur a thil tul leh he scheme kaihnnawih a thil hriat ngai thenkhat te chu hetiang hi a ni:

1) Scheme zawm tu chu India khua leh tui dik tak, Bank account nei a ni tur a ni.

2) Kum 18-70 inkar a ni tur a ni.

(phek lehlamah zawmna)

(phek lehlam ami chhonzawmna)

PRIME MINISTER'S INSURANCES

3) Nationalize bank (Sorkar pawmpui bank) khawiah pawh Bank Account neihnaah a lei theih.

4) A scheme zawm/

leina man hi kum khat chhung atan Rs 20/- a ni a. (Tax hran chawi belh ngai a ni lo)

5) He insurance in a huam chhung (Coverage period) hi kum khat a ni a, kumtin 1st June atanga 31st May a ni. Kum laklawhah pawh, eng lai pawhin he scheme hi lei/ zawm theih tho a ni.

6) Vawikhat lei tawh chuan kum tina lei thar tura buaipui a ngai lova, kha bank Account ah khan pawisa (A leina daih) a awm chuan kumtin may ni 30 emaw aia tlai lovah amahin a lo in cut (Auto debit) thin dawn a ni.

7) I bank leh I Addhaar card no. kha a in zawm ngei tur (Mandatory) a ni, (hei hi a claimna lama buaina tawh lohna tur a ni)

8) Scheme zawm ni atanga ni 45 hnuah he scheme hi a hman theih chauh a ni. Chumi hma chuan a claim theih loh.

9) Accidental Insurance a nih avang hian Accident ni lo thil dang vanga thihnaah erawh he scheme hi chhawr theih a ni lo.

Heng kan tarlan Insurance schemes te hi mi tam takin an zawm lh zawm loh pawh an hre lova, churang chuan hamthatna awm thei te ngaihven thei reng sia ngaihven nachang hre miah lo an awm nual niin internet lamah tarlan a ni. Tin, zawm ve reng nia in hria lo zawm si lo an awm ve thei bawk a, heng scheme zawm tawh in a zawm na a tih tawp dan chu heng te hi a ni, Policy cancelled (Tih tawp a nih theih dan) te:

1) Policy zawmtu bank Account ah policy tih nun leh huna policy leina man (in cut) tur pawisa a awm loh avangin.

2) Policy zawmtu chu a policy in a huam chhung kum bituk aia a lo upat in

3) Bank Account tih tawp a nihin, a bank account a nun tawh loh avangin.

4) Policy zawmtuin a zawmna a tih tawp/ tihtawp a dilna pawm a nihin.

Tin, heng Insurances policy te hi kan lo zawm a nih pawhin, heng te hi hriat a tha :

a) Bank hrang hrang atang a zawm theih tih vanga policy pakhat bank hrang hranga zawm kher loh tur, claim a tul hunah bank pakhat atang bak claim theih a ni chuang lova, premium (pawisa chawi/ policy leina) kha khang bank Atanga a lo in cut vek khan a heksak mai mai a ni.

b) Khing policy pahnih te khi a scheme in a huam chhung a mi a nih chuan a pahnih khian a claim theih eg: PMJJBY khi life insurance a nia, PMSBY khi Accidental insurance a nit hung a, mi tu emaw kha accident avangin lo boral ta se, khing scheme 2 khi a lei a a valit tho chuan, a rokhawmtuin nuaih 2 ve ve a claim thei tihna a ni.

c) A policy in a huam theih kum khi hriat tur a ni a, a policy in a huam tawh loh chuan kan zawmna bank ah pawisa a in cut zel loh nan tih tawp kha dil mai a tha, a claim theih dawn chuang si lova.

d) Tin, heng scheme zawm mek tut e pawh hian, an Rokhawm tu (Nominee) kha chiang takin an hre tur a ni. Claim tur berin claim nachang an hre lo fo a nih hmel.

Sorkarin a khua leh tui te tana hamthatna a siam leh duan te hi, thingtlang lama cheng te chauh pawh niloin, mipui mimir hian kan hre tawh lo fo a, heng kan han tarlan pahnih chauh pawh hi a chhawr tangkai thei reng, chhawr nachang hre silo an awm theih avangin, tun tuma kan sawi avang a, vanduai na kara malsawmna lo dawng an awm hlahu chuan he thuziak hi a hlawhtling tihna a ni ngei ang le.

**Kan ram leh hnam tan
lawih thei lo leh hmankhat
daih Plastic a\anga siam -
ip, fian, no, thlengte aiah
lawih thei ngei - mau,
puan, kuhva kau leh
lehkha a\anga siam i
hmang uar zawk ang u.**

Ni 24.2.2025 - 13.3.2025 chhunga Training neihte



Trg. for Chhimphei Women Poultry Producer Company Ltd. @ Mel - 8. Course Director: Dr. Lalhruaitluangi Sailo, Sr. Core Faculty, SIRD&PR.



Refresher Trg. course for MGNREGS functionaries within Mamit town @ DPRC Conference Hall, Mamit. Course Director: Dr. Khuangthansanga Pakhuangte, Associate Professor, SIRD&PR.



Trg. on Financial Literacy & Life Skills for Rural Women. Course Director: Dr. Khawlsiamthanga Khawhling, Associate Professor, SIRD&PR.



Trg. on Post Harvest Processing for Rural Women for Livelihoods Enhancement @ Community Hall, Lungleng. Course Director: Dr. Margaret Lalbiakthangi, Associate Professor, SIRD&PR.



Trg. on Own Source Revenue/General Orientation @ BDO Conference Hall, W. Phaileng. Course Director: Pu B. Lalpuia, Head Faculty, DPRC, Mamit.



Trg. on Leadership Development for ERs of Tlangnuam RD Block @ SIRD&PR. Course Director: Pu Lalchhandama Lailung, Sr. Core Faculty, SIRD&PR.



Trg. on Own Source Revenue for Lunglei RD Block. @ BDO Conference Hall, Lunglei. Course Director: Pu Vanlalhraia Ralte, Head Faculty, DPRC, Serchhip.



Trg. on CBNRM for Sustainable Rural Livelihoods at DPRC, Serchhip. Course Director: Dr. Khawlsiamthanga Khawhling, Associate Professor, SIRD&PR.



Trg. on Livelihood Skills for Sustainable Development - IV @ CVSc&AH Selesih. Course Director: Dr. Lalhruaitluangi Sailo, Sr. Core Faculty, SIRD&PR.



Trg. on Digital Literacy for Rural Youth of Aibawk RD Block @ BNRGSK Hall, Aibawk. Course Director: Pu Lalchhandama Lailung, Sr. Core Faculty, SIRD&PR.

(phek lehlam ami chhonzawmna)

Ni 24.2.2025 - 13.3.2025 chhunga Training neihte



Trg. on Income Generation for Tlangnuam RD Block SHGs Member @ SIRD&PR. Course Director: Dr. Margaret Lalbiakthangi, Associate Professor, SIRD&PR.




Trg. on Leadership & Management Skills for Effective Implementation of RD Programs @ BDO Conference Hall, Aibawk. Course Director: Dr. Khawlsiamthanga Khawhhring, Associate Professor, SIRD&PR.



Trg. on CBNRM for Sustainable Rural Livelihoods @ ETC, Kolasib. Course Director: Dr. MS Dawngliani, Associate Professor, SIRD&PR.



Trg. on CBNRM for Sustainable Rural Livelihoods @ ETC, Kolasib. Course Director: Dr. Khuangthansanga Pakhuangte, Associate Professor, SIRD&PR.



Trg. on Life Skills for Sustainable for Rural Youth (Crochet Making) @ SIRD&PR. Course Director: Dr. Lalhruaitluangi Sailo, Sr. Core Faculty, SIRD&PR.

16th Finance Commission member-in tlawh

16th Finance Commission member ten 25.2.2025 khan Falkawn Village Council an tlawh.



16th Finance Commission member-te chuan Falkawn Bharat Nirman Rajeev Gandhi Sewa Kendra (BNRGSK) Hall-ah Falkawn Village Council hotute an kawm a, hetah hian 16th Finance Commission Chairman Dr. Arvind Panagariya chuan hovin, LAD Director Pu Chauhnuna leh Falkawn VC member ten an lo dawngsawng a ni.

Falkawn VC hotute chuan Mizorama VC 800 chuang awm zingah an hun chep tak kara tlawh tura anni an rawn thlang chu Commission chungah an lawmthu an sawi a, VC inrelbawlina kalphungte sawifiahin an lo tawnhriat tawh atangin Mizoram pum huapa VC-te mamawh leh hmasawmna tur bakah hmalak dan thar tur atana \ha nia an hriatte 16th Finance Commission hnenah hian an thlen a, sawihona hun tha takin an hmang bawh a ni.

Watershed Yatra Campaign, Van Activity neih a ni

Hnahthial District-ah PMKSY 2.0 hnuaia Watershed Yatra Campaign chu Pu HD Lalpek-mawia, Project Director, DRDO hoin ni 1.3.2025 khan Khawhri khuaah neih a ni a. Project Director chuan central sawrkarin watershed yatra campaign a ngaih pawimawh thu sawiin, tuihna venhim te, leilung luangral tur ven te leh awmze nei zawka ruahtui khawl pawimawhzia te sawiin he campaign hi mipui kalkhawm ten an hlawkpui \heuh a beisei thu a sawi a ni.

Ram pumah Van Activity campaign hi kalpui mek niin February ni 21 alangin Mizoramah pawh kalpui \an a ni a. District zawng zawngah campaign hi March ni 13 thleng hian kalpui zel tur a ni.

Sensitization Programme for VC Member hman a ni

St. Joseph Parish Hall, Venglai, Kolasib-ah ni 28.2.2025 khan Village Council Member-te intuaitharna hun **'Sensitization Programme for Village Council Member'** hman a ni a. He hun hi State Institute of Rural Development & Panchayati Raj (SIRD&PR), District Panchayat Resource Centre (DPRC), Kolasib leh District Local Administration Office (DLAO) te \angkawpin an buatsaih niin Kolasib DC, Pu Robert C. Lalmangaiha chu he hunah hian khuallian a ni.



He hun hi Pu ST Lalhmingmawia, DLAO, Kolasib chuan kaihruiin, Khuallian, Pu Robert C. Lalmangaiha, Kolasib DC chuan VC Member-te chu Sawrkar leh khawtlang mipuite inkara palai hna thawktu pawimawh tak a nih thu sawiin, VC Member-te chu khawtlang \ha siamna kawnga mawhphurhna sang tak neitu leh Sawrkar hmalaknaa a fawng chelhtu pawimawh tak an ni tih chu inhre reng turin a chah a. Khawtlang hmasawna kawnga an hnathawhah tluang taka an mawhphurhna an hlen theih nan duhsakna a hlan bawk.

He hunah hian Pu ZR Thafala, Principal, ETC, SIRD&PR leh Pu LR Lalrinmawia Hnamte, Head Faculty, DPRC-te chuan VC mawhphurhna chungchangah zirtirna an pe a. MGNREGA chungchangah hriattur pawimawhte, mipui hriselna kawnga Sawrkar hmalakna te ngaihthlakna hun neih a ni a. Inhmun leh mimal ram chungchanga VC Member-te hriattur leh mawhphurhna te zirtirna pek a ni bawk.

VC tharte tan Orientation Training buatsaih

Ni 11.3.2025 khan DC Conference Hall, Saitualah Election Officer Pu Lalthakima Chhangte kaihruiain Village Council member thlan thar te tan orientation training buatsaih a ni a, sawrkar department hotute a\angin sawrkar laipui scheme pawimawh tak tak inzirtirna hun hman a ni bawk.



Thupui hrang hrang- Land Compensation, Land Revenue, DC Admin., DM&R, Certificates, Agriculture Scheme, Overview of MGNREG, PMAY-G & PMKSY 2.0, Solar chungchang, FCS&CA hnuai Gov't Scheme hrang hrang, Delay Birth & Death chungchang, Saitual District chhunga Sericulture Department hmalakna, Samagra Shiksha Abhiyan (SSA), 15th Finance, UD&PA hnuai Scheme hrang hrang, Water Supply & Sanitation, MIDH Scheme, RKVY-PDMC, NABARD Scheme, PMMSY, AH & VETY Department hmalakna tlangpui, Mission Shakti hnuai Sub-scheme chungchang te chu power point presentation hmangin line department hotuten zirtirna an pe a ni.

Orientation training hi Pu Lalthakima Chhangte, EO- in a kaihrui a, Dr. Lalngura Tlau, DEO-in thu sawiin, department hotuten zirtirna an pe bawk a ni. He hunah hian Saitual District-a Village Council President, Vice President leh Secretary te leh member dang te an tel a, Pi Christina Lalnunfeli, SDC chuan lawmthu sawiin hun a khar a ni.

Published by V Lalengmawia on behalf of State Institute of Rural Development & Panchayati Raj, Mizoram, Durtlang Leitan, PIN - 796015.

Phone : (0389) - 2362551; e-mail: dirsirdmz@gmail.com & mzsird@gmail.com;

Website: sirdpr.mizoram.gov.in.

Funded under RGSA through Local Administration Department (LAD), Govt. of Mizoram.

Printed at Ebenezer Offset, Luangmual, Aizawl.